



### 【編注】

《吳時外國志》應即《吳時外國傳》之異寫，當以後者為準。後世類書因篇幅過鉅，抄寫、校訂需時，故難免錯訛。《太平御覽》引用大秦蔬果，同一內容即裂為三處，分見於卷九七五的胡桃及蓮、藕等目，並將《藝文類聚》同一條文按不同名目加以裁割，考證時於此不可不慎重留意。

(吳)康泰、朱應《外國傳》

# 附 錄



# 附錄

- 附錄一 相關古籍<sup>71</sup>
- 附錄二 引書版本<sup>101</sup>
- 附錄三 研究文獻<sup>105</sup>
- 附錄四 參考論著<sup>342</sup>

# 附錄

## 1 相關古籍

### 扶南傳

佚名

#### 扶南

（《扶南傳》云：）

扶南之西，海裏有山，周迴千里，中有大石，名爲海鼓，闊可百丈。海行欲遇[知]風暴動，但先聞此石震，隆隆如雷，則鯨便起而風也。

[《北堂書鈔》卷一五一·天部二·風篇一六·魚起而風]

（梁簡文時，《扶南傳》：）

有沉香一婆羅丁。云婆羅丁，五百六十斤也。

[《北戶錄》卷三·香皮紙]

## 金陣國

(《扶南傳》曰：)

金陣國，入四月便雨，六月乃止，少有晴日。

[《藝文類聚》卷二·天部下·霽]

## 頓遜國

(《扶南傳》云：)

頓遜國有樹，似安石榴，取其花汁，停盆內數日，成好酒，極美醉人。

[《北堂書鈔》卷一四八·酒六〇]

(《扶南傳》：)

頓孫國有安石榴，取汁停盆中，數日成美酒。

[《白孔六帖》卷九九·石榴]

(《扶南傳》曰：)

頓遜國人恆以香華事天神，香有多種，區撥葉華、致華、各遂華、摩夷華，冬夏不衰，日載數十車於市賣之，燥乃益香，亦可為粉以傳身體。

[《法苑珠林》卷三六·華香篇]

(又《扶南傳》曰：)

頓遜國有區撥花、葉逆花、致祭花、名遂花、摩夷花，燥而合香末以為粉，以粉身體。

[《北戶錄》卷三·指甲花]

(《扶南傳》曰：)

頓遜國有磨夷花，末之為粉，大香。

[《太平御覽》卷七一九·服用部二一·粉]

(《扶南傳》曰：)

頓遜國人恆以香花事天神，香有多種，區撥葉逆花、途致各遂花、摩夷花，冬夏不衰，日載數十車於市賣之，燥乃益香，亦可為粉，以傳身體。

[《太平御覽》卷九八一·香部一·香]

(《扶南傳》曰：)

頓孫國有安石榴，取汁停盆中，數日成美酒。

[《酒譜》異域酒，《說郛》卷六六引]



(《扶南傳》：)

頓遜國有酒樹，如安石榴，華汁停杯中，數日盛[成]酒而醉人。

[《華夷花木鳥獸珍玩考》卷二·酒樹]

(《扶南傳》曰：)

頓遜國，人死鳥葬或火葬。鳥葬者，病困便歌舞送郭外，有鳥如鵝綠色，飛來萬計[許]，啄食都盡，斂骨焚之，沉於海水，此必生天上。鳥若不食，自悲傷，乃就火葬，取骨埋之。

[《太平御覽》卷三七五·人事部一六·骨]

(《扶南傳》曰：)

頓遜國，人死或鳥葬或火葬。鳥葬者，病困便歌舞送郭外，有鳥如鵝綠色，飛來萬許，啄食都盡，斂骨焚之，沉之於海，此上行，必生天。鳥若不食，自悲傷，乃就火葬取骨埋之，是次行也。

[《太平御覽》卷五五六·禮儀部三五·葬送四]

## 毗騫國

查博綜群書，沈約、任昉以下每有遺忘，皆訪問焉。……約又云，“何承天《纂文》奇博，其書載張仲師及長頸王事，此何所出？”查曰：“仲師長尺二寸，唯出《論衡》。長頸是毗騫王，朱建安《扶南以南記》云，‘古來至今不死’。”約即取二書尋檢，一如查言。

[《南史》卷四九·列傳三九·劉杳]

(《扶南傳》曰：)

毗塞[騫]國王身長一丈二尺，頸長三尺，自古不死，莫知其年，知未然事，號為長頸王。

[《太平御覽》卷三六九·人事部一〇·頸項]

(《扶南傳》曰：)

毗騫國食器，皆以金為之。

[《藝文類聚》卷八三·寶玉部上·金]

(《扶南傳》曰：)

毗騫國食器，皆以金為之。金如此間之石，



露出山邊，無有限。

[《太平御覽》卷八一·珍寶部一〇·金下]

(《扶南傳》曰：)

扶南國王以純金多羅遺毗騫王。

[《太平御覽》卷七一七·服用部一九·多羅]

### 斯調國

(《[扶]南傳》：)

調斯國[斯調國]有青石染氈、絳染氈也。

[《太平御覽》卷七〇八·服用部一〇·氈]

### 舍衛國—伽尸國

(《扶南傳》云：)

舍衛國隸屬天竺，伽尸國一名波羅奈國，亦名[皮]波羅奈斯國。

[《通典》卷一九三·邊防九·西戎五·天竺]

(《扶南傳》云：)

舍衛國隸屬天竺。伽尸國，一名波羅奈國，亦云波羅奈斯國。

[《太平環宇記》卷一八三·四夷一二·西戎四·天竺國]

### 安息國

(《扶南傳》曰：)

妥[安]息國出五色罽。

[《太平御覽》卷八一六·布帛部三·罽]

(《扶南傳》曰：)

安息國出酢皂莢，可食，味最美。

[《太平御覽》卷九六〇·木部九·皂莢]

(《扶南傳》曰：)

安息國出甘蔗。

[《太平御覽》卷九七四·果部一一·甘蔗]

